



Vivian Motzfeldt
Inatsisartunut ilaasortaq, Siumut

§ 37 naapertorlugu apeqqummut akissut – Kujataani Najugaq Qimannagu Perorsaasunnngorniat Ilinniarfiannut tunngasoq

25-09-2017
Suliap nr. 2017-21138
Allakkat nr. 6174535

Postboks 1029
3900 Nuuk
Oqarasuaat: +299 34 50 00
Fax.: +299 32 20 73
Email: ikiin@nanoq.gl
www.nanoq.gl

Asasara Vivian Motzfeldt,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: Ilumoorpa Kujataani Najugarisaq Qimannagu Perorsaasunnngorniarnep Ilulissani Perorsaasunnngorniat Ilinniarfianniit matusussatut Naalakkersuisunut siunnersuutigineqarsimasoq.

Akissut: Aap, tamanna ilumoorpoq.

Apeqqut 2: Kujataani pissutsit, minnerunngitsumik meeqqat inuusuttullu eqqarsaatigalugit unamminarluinnartumik inissisimapput. Pissutsini taama ittuni perorsaasunik amigaateqannginneq ilumoorsinnaanerpa?

Akissut: Nunap ilaani perorsaasunik amigaateqartoqarpoq aamma Kujataani.

Apeqqut 3: Akuttusuumik oqallisigineqartaraluartoq maanna oqallisigineqarpoq immikkut qaffasissumik kalaallisut ilinniartitsisoqartartoq tassa Qaqortumi Najugarisaq Qimannagu Perorsaasunnngorniat kalaallimik cand.pæd.-imik ilinniartinneqartarput, tassungalu atatillugu tusaamavara upernaq manna perorsaasunnngorniat angusaat karakter B-mit appasinnerusimangitsut, tamanna ilumoorpa? Kalaallisut ingerlatat ingerlalluartut sooq matuniarneqarpat?

Akissut: Ilinniarfiup pikkorissumik ilinniartitsisoqarnera aamma semesterimut misilitsinnermut nalilersuinerit pitsaasuusimanagerat ilumoorput. Ilinniarfiulli atorunnaarsinneqarnissaanut nuunneqarnissaanullu isumaliutit arlalinnik pissuteqarput:

1. Sumiiffik arlalinnik ilinniarfeqarpoq tassanilu qinnuteqartartut ikiliartorput.
2. Najugaq qimannagu Perorsaasunnngorniat Ilinniarfiup, kommuni qanimut suleqatiginissaa piumasaqaatigaa, suleqatiginneq ilinniartunik

sulisoqarnermik ilinniarneralu tamaat tamakkiisumik akissarsiaqartitsineramik imaqartoq. Qaqortumi taamaaliortoqartanngilaq tamassumalu kinguneraa suleriaatsinut atassuteqartoqannginnera – tamanna ilinniarnerep tungaatigut annertuumik isornartorsiugassaavoq.

3. Taamaattumik ilinniartut ikinnerisa ilinniarnermillu taamaatitsiinnartartut amerlanerujussuisa kinguneraat ilinniartut ilinniartitsinermi periaatsinik periarfissanillu annertuumik killiliiffigineqarnerat taamaalilluni ilinniartitsinerup pitsaassusaa naammaginantumik attanneqarsinnaanani.

Najugaq Qimannagu Perorsaanermik Ilinniartit atorunnaarsinneqanngilaq illoqarfimmulli allamut nuunneqassaaq pitsaassutsimik attassiviusinnaasumut.

Apeqqut 4: Qaqortumi immikkoortortaqaarfik kalaallinik kandidatiniq peqarluarnitsinni annertusaannarneqarsinnaanngila, perorsaasut ilinniaqqinnissaat oqaatsivut atorlugit iluatinnaqisup Kujataani ingerlanneqaannarsinnaaqqullugu?

Akissut: Kalaallinik kandidatit ilinniarsimasoqarnerata Qaqortumi pingaarnertut unammilligassat aaqqissinnaanngilaat, tassa ilinniartunut akissarsiaaqaartitsineq suliffimmillu misileraasinnaaneq kiisalu ilinniartitsinerup pitsaassusaanik attassinissamut pisariaqartinneqartut tassa ilinniartunik amerlasuunik pilerisaarinissaq.

Inussiarnersumik inuulluaqqusillunga


Doris J. Jensen

Inatsisartut suleriaasianni § 37 naapertorlugu matumuuna imaattunik apeqquteqaatinik Naalackersuisunut saqqummiussivunga:

Apeqqutit:

1. Kujataani Najugarisaq Qimannagu Perorsaasunngorniarnep Ilulissani Perorsaasunngorniat Ilinniarfianniit matusussatut Naalackersuisunut siunner-suutigineqarsimasoq tusaamaavara, ilumoorpa?
2. Kujataani pissutsit, minnerunngitsumik meeqqat inuusuttullu eqqarsaatigalugit unamminarluinnartumik inissisimapput. Taamaalinerani perorsaasunik amigateqartoqannginnerami?
3. Kalaallisut oqaatsivut atorlugit qaffasissumik ingerlatat, s.a. Qaqortumi najugarisaq Qimannagu Perorsaasunngorniat kalaallimik cand.pæd.-imik atuar-tinneqarput, tusaamanarporlu upernaag manna perorsaasunngorniat karakteritit angusaat karakter B ataaniittoqarsimannngitsoq? Kalaallisut ingerlatat ingerlalluartut sooq matuniarneqarpat?
4. Qaqortumi immikkoortortaarfik annertusarlugu kalaallinik kandidatiniq peqarluarnitsinni annertusaannarneqarsinnaanngila, perorsaasut ilinniaqqinnissaat oqaatsivut atorlugit iluatinnaqisup Kujataani ingerlanneqaannarsinnaaqqullugu.

(Inatsisartuni ilaasortaq Vivian Motzfeldt, Siumut)

Tunnngavilersuut:

Nunarput tamakkerlugu perorsaasussaaleqineq aatsaat taamak annertutigaaq. Taamaalinerani meeqqat inuusuttullu perorsaasut Nunatsinnut naleqqussakkamik ilinniarluarsimasut atorfissaqartippaat. Meeqqat immikkut ittumik paarisariallit sakkortusiartortumik malunniukkiartorput, Nunattalu sulisutigut tunniussinnaasai amigartillugit soorunami meeqqanut tamanna kingunerlunnissaa naatsorsuutigineqarsinnaavoq.

Qaqortuinnarmi perorsaasunngorniat avataaneersuut atsaat taamak amerlatigilerput, taamaalinerani aasarli qallunaat pædagogit tikisinneqarput. Tamanna ilumoorsinnaanngilaq. Kiisami ilinniaritsi-

nerup tungaatigut atsaat taamak amerlatigisunik s.a. cand. Pæd., cand. pæd./psyk, cand. psyk. pigilerpavut. Tamannalu atorluarlugu Kujataani ilisimatusarnikkut meeqqanut inuusuttunillu tunngasutigut misissuiitigalutik ilinniartitsisinnaaruttortut.

Nunatta immikkoortuini kalaallisuinnaq oqaluttuugaluarlutik perorsaasunngorniarusuttorpassuupput. Taakkua periarfissinneqarsinnaasut paasinarmat suna pillugu Qaqortumi Ilinniarfik matuniarneqassava?

Kissaatigaara apeqqutima ullut suliffiusut qulit iluanni akineqarnissaa